

## MME IDIŌŃŌ ERIDI ŌBŌŃ

Nahum 2:3, 4; 2 Timothy 3:1-5; 2 Peter 3:3, 4; James 5:7, 8; Matthew 24:3-28

ŌYŌHŌ UKPEP-ŃKPO 362

Eke Mkparawa

**IKŌ IBUOT:** “Koro nte emireñ-emireñ otode ke edem usiaha-utin ōwōrō ayama osim edem usop-utin, ntre ke eridi Eyen Owo eyedi” (Matthew 24:27).

### Ke Obot Olivet

Ekedi ke ukem Obot Olive mme Olivet emi Jesus ōkōdōkde oduk Heaven ke Enye okodu ye mbet Esie usen kiet. Mmō edōhō Jesus, “Sian nnyin” ... nso idinyuñ idi idiōñō eridi Fo, ye eke akpatre ini eyo emi?” Ndien Jesus etiñ abaña ekōñ, akañ ye unyek-isōñ emi editienede ererimbot mbemiso erifiak ndi Esie. Enye etiñ ñko abaña mme prophet nsu mme ōkwōrō-ikō emi edibiañade mme owo ye idiōk-ñkpo ye afanikōñ emi edidude ke ererimbot. Enye ōkōdōhō, “Eyenyuñ ekwōrō Gospel Ubōñ Abasi emi ke ofuri ekondo nte ntiense enō kpukpru mme idut, ndien adañoro ke utit eyedi.”

Ekem usen kiet ke ini Jesus osuk odude ye mbet Esie ini kiet efen ke Obot Olive, ndo-ndo oro ntōñ enyōñ emen Enye oduk Heaven. Owo iba emi esinede mfiya ōfōñidem ekedōhō “Jesus emi, emi emende Enye ekpōñ mbufo eduk ke heaven, eyedi kpa ido emi mbufo ekutde Enye ōnyōñde oduk ke heaven,” (Utom Mme Apostle 1:11).

### Mme Andinim Ye Mmō Emi Minimke Ke Akpanikō

Okposuk ñkpo nte isua 2000 ema ekebe tōñō ke utibe usen oro, mme owo edu emi esuk ekpemedede, ebetde enyuñ eyomde Jesus afiak edi. Mfin, ata eyen Abasi idōhōke “Sian nnyin, nso idinyuñ idi idiōñō eridi Fo?” edi enye ōduñōre Edisana Ikō Abasi oyom mme idiōñō oro, ndien nte enye esede ererimbot enye okut ini kiet ete ke mme idiōñō oro ema esu. Kpukpru emi ewōrō nso? Ōwōrō ete ke Jesus ekeme ndidi ini ekededi!

Ekuyak nnyin idu ye mbon nsahi emi edōhōde ete: “Eridi eke Enye ōkōñwōñōde ete iyedi enye? koro tōñō nte mme ete ekede idap, kpukpru ñkpo etie kpasuk nte eketiede toto ke eritōñō ererimbot” (2 Peter 3:4). Eñwōñō emi odu ke Ikō Abasi, ndien nnyin imonim ke akpanikō ite nnyin iyedu uwem ikut Jesus edide.

Iwōrōke ite koro ñkpo mitibeke ke idikemeke nditibe. Ke ini Noah ōkōbōpde ubom mbemiso ukwō, mme owo ikonimke ke akpanikō ete ke ukwō eyedu. Mmō ekesasak Noah ke mme usen oro ukem nte mmō enamde ye mme ōkwōrō-ikō edinen ido mfin. Edi ke ndo-ndo oro, “ukwō edi edimen mmō kpukpru efep” (Matthew 24:39).

“Kpasuk ntre ke eridi Eyen Owo eyedi” (Matthew 24:39). Ndo-ndo oro! Ye mmō emi mibeñeke idem ndikut Enye. “Nte ekpō” ye mmō emi mibeñeke idem! (Luke 21:35). “Nte inō” ye enye emi mikpemeke! (1 Ñwed Thessalonica 5:2). “nte emireñ-mireñ,” emi anamde owo edighe! (Matthew 24:27). “Ke ufōt okoneyo,” ke ini kpukpru ebiet edide ekim! (Matthew 25:6).

Mme “idiōñō” ewak eti-eti emi ekpemde nnyin ete ke eridi Jesus kekperede. Nditō Abasi emi ekedude uwem ke ererimbot mbemiso mme usen Christ ema etiñ mme ñkpo emi ediwōrōde osu ke mme akpatre usen emi. Mme idiōñō emi Jesus eketiñde ōnō mbet Esie, oro edi, ekōñ, unyek-isōñ, afanikōñ ema ewōrō esu. Ediwak ñkpri mkparawa iren ye iban mfin ekeme nditi nte mmō ekōmde eyen eka eren mme ete mmō emi ekekade ekōñ ete saña suñ. Nnyin imokop ibaña unyek-isōñ emi ebiatde ñkpo ekese ke eyo nnyin emi, ye ukut ye afanikōñ emi ediwak owo ke ererimbot ebiomde.

### Mme Asaña Isañ

Nte emesikut ke ini asañade isañ aka idut ete nte afo asañade ekpere ebiet emi afo akakade, ediwak idiōñō edu emi enamde fi ōfiōk ete osuk esisit afo ndisim do? Ndusuk idiōñō etiñ ebaña ndusuk ufōk-isen mme ufōk-udia ke idut oro: mme idiōñō efen etiñ ebaña ibat itiat emi enyenede ndida nsim idut oro; ñko mme idiōñō efen enō uniōñ ini nte edidade isim ebiet oro.

Mfin emi nnyin ke isaña isañ. Kpukpru nnyin idu ke usuñ Nsinsi-ini, ndien eneñere ewut usuñ uwem. Asaña-isañ owo Abasi enyene ñwed ndise ererimbot, ñwed usuñ isañ, ñwed nda usuñ ndien enye ototim ōduñōre ñwed ndise esie edide Ñwed Abasi. Ndien nte enye asañade aka ke usuñ uwem enye okut adaha mme idiōñō. Enye ese ke ñwed ndise esie. Ke akpanikō, enye okut ete ke enim idiōñō

ke ebiet oro ke ñwed ndise esie ndien ke ebiet oro ke usuñ idiõño odu. Enye aka iso asaña, ibighike enye okut idiõño efen ko nsan-nsan ndien ke asañade ekpere nte ekpekotde, enye õfiok ete emi ñko etiñ onõ enye abaña ñkpõ emi enye okotde ke Ñwed Abasi.

Eyak nnyin ke ekikere esit nnyin, iwat isuhõre ññwaña usuñ ke esuk Oregon. Ke iso-iso akamba ukpat-ñkpõ ye ubom-isõñ emi eyõhõde ye ikpõ mbio eto ke eka ufõk usõi eto. Nte ekpep-kpep, itie ñwed oro edemere ke esit nnyin ete ke usen utim-ñkpõ Esie, “mmõ oro, kpa ke iso nnyin ikut mme ubom-isõñ etuakde eda ke ññwaña-usuñ ndien nte ituakde ida ikut ite moto iba ema edituaha. Ñko nnyin iti ite ke “ñwed usuñ isañ” õdõhõ ete “Mme chariot edama ke efak, eyõhõ itõk-itõk ke aña.” Nnyin ibiere ite, emi edi usen utim-ñkpõ Esie.

Nnyin imokop ite mme awat-ubom-isõñ eñwõñwõñ mkpõsõñ mmin, “idiõño” efen nte ke emi edi ini oro ndiwut ete eridi Jesus ke isõñ ekpere. Nnyin imokop esui mme awat ubom-isõñ ye idat idat idaresit mmõ ñko osuk edi idiõño akpatre mme usen” (2 Ñwed Timothy 3:1-5).

### **Mme Idiõño Efen**

Nte iyedunõre ise mme iyekut mme “idiõño efen? Nnyin imokut ke 2 Ñwed Timothy 3:2 ite: “ke ukperedem ini” mkparawa iren ye iban eyesõñ ibuoit ye ete ye eka. Akananam nte emetie ekere ete ke ini imõ isõñde ibuoit, ke imõ inam ukem se Ñwed Abasi etiñde abaña se ediwak nditõwõñ edinamde ke ekperede ini erifiak ndi Jesus? Qõfõ, ndien edi ata akpan ñkpõ utõ nditõ oro ndinyene erinyaña ini kiet nnyuñ mbeñe ete ye eka mmõ ndifen nnõ mmõ ke nsõñibuoit mmõ ndinyuñ nnam õyõhõ mbeñeidem mbaña eridi Qõbõ. Nte afo ukõmke Abasi ke emi Enye ekpemedede uwem fo? Nte afo ukõmke ete ye eka fo ye mme ufan fo ke mfõnido mmõ ye afo ye ke ediwak nti ñkpõ emi afo enyenede ke uwem emi? Edieke ananade esit ekõm, afo odu ke otu ediwak mmõ emi enamde “idõño” efen osu ete ke mme ukperedem usen edi emi.

Ekese mme owo akananam inukke ibuoit mmõ ndibõñ akam ke itie udia nnyuñ ñkõm Abasi ke udia emi Enye onõde mmõ. “Edi fiok emi ete, ke ukperedem ini ... mme owo eyedi ... enana esit ekõm” (2 Ñwed Timothy 3:2). Ndusuk nditõ Abasi eda ediwak ñkpõ ntre-ntre enyuñ efre ete “Kpukpru eti erinõ ye kpukpu enõ eke efonde ema oto ke enyõñ, eto ke ubõk Ete mme uñwana esuhõre edi” (James 1:17).

Nte afo edi eyenõwõñ eren, mme ñwan, owo Abasi emi akade ufõk ñwed ke obio? Ndusuk afo emesikut nte nditõwõñ emi minyeneke erinyaña ediokde ido ye afo enyuñ esak fi koro afo mutieneke mmõ uka ufõk mbre, unek, mbre ball ye kpukpru mme itie mbre nditõ ererimbot. Afo usineke mme ñwõrõ-nda ido edisine ñkpõ emi ndiõi owo esinede unyuñ ubanake idem fo ye mme ñkpõ uto ye kpukpru edifõfiõño. Mmõ ekeme ndidianare mkpõñ fi koro afo enyenede isio uwem. “Idiõño” efen edi emi, koro Ikõ Abasi õdõhõ ete ke ukperedem ini mme owo eyesua “se ifõnde.” Edi usen ke edi emi Abasi edisakde nsobo mme idiok owo emi mikabakere esit ikpõñ idiok-ñkpõ mmõ.

Isañ emi ekeme ndisõp ntre, ndien ukem nte asaña isañ okutde ediwak mme idiõño emi owutde ke obio oro ekpere, ntre ke owo Abasi okut ediwak idiõño emi etiñde enõ enye ete ke Obio Abasi odu kpa ke iso.

### **Ata Akpan Ñkpõ**

Edieke afo mubeñeke idem unõ usõp-usõp erifiak ndi Jesus, kusio baba esisit ini unim utre ndibeñe idem. Yom Abasi ke ofuri esit fo; nnyuñ kut idaresit emi otode Enye ikpõñ. Ndien afo asaña ke usuñ Heaven. Ke ini ema ekenyaña fi, afo enyene ndiyom nnyuñ mbõ edinam-asana ye akwa uduok-mmõñ Edisana Spirit ye ikañ.

“Mme idiõño” edisõp ndi Jesus ke etõt ke usen ke usen emi õwõrõde ete utit usuñ odu ke iso?

### **MME MBUME**

1. Nso mbume ke mbet ekebup Jesus ke Obot Olivet?
2. Nso iborọ ke Jesus okoro?
3. Siak enyiñ ewet-ñwed kiet ke Akani Ediomu emi eketiñde ñko abañã mme idiñño ukperedem ini.
4. Nso ke enye eketiñ abañã ini iso?
5. Nnyin isaña didie ifiok ite mme ñkpọ emi eworo esu?
6. Nso ke nnyin inyene ndinam man idu ke mbeñe-idem ndisobo ye Jesus ke ini Enye edidide?
7. Ntak emi edide akpan ñkpọ ndibeñe idem nnyuñ ndu ke mbeñidem?
8. Nso ke mbon nsahi edoro?
9. Nso iditibe ye mmọ emi edikoroñde ke isoñ?
10. Nso ididi utip mme mmọ emi ebeñede idem?